



Na osnovu člana 69. stav 2) tačka d), člana 70. stav 1. 4. i 6. Zakona o javnim nabavkama („Sl. glasnik BiH“, broj 39/14) i Rješenja Ureda za razmatranje žalbi broj: JN2-03-07-1-2172-8/22 od 02.09.2022. godine, u otvorenom postupku za nabavku i isporuku radnih vatrogasnih uniformi, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak za nabavku i isporuku radnih vatrogasnih uniformi, u skladu sa Rješenjem Ureda za razmatranje žalbi broj: JN2-03-07-1-2172-8/22 od 02.09.2022. godine.

Član 2.

Stavlja se van snage Odluka o izboru najpovoljnijeg ponuđača broj: 02-11-12109-2/22 od 20.07.2022. godine.

Član 3.

Za izvršenje ove odluke zadužuje se i ovlašćuje Služba kabineta Gradonačelnika.

Član 4.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-12109/22 od 02.06.2022. godine. Obavještenje o nabavci broj: 1355-1-1-181-3-101/22 objavljeno je na Portalu javnih nabavki dana 14.06.2022. godine. Procijenjena vrijednost za predmetnu nabavku iznosila je 38.460,00 KM bez PDV-a.

Ugovorni organ donosi Odluku o izboru najpovoljnijeg ponuđača broj: 02-11-12109-2/22 od 20.07.2022. godine.

Ponuđač „EURO VEZ“ d.o.o. Jelah izjavljuje žalbu na donesenu Odluku o izboru najpovoljnijeg ponuđača za nabavku i isporuku radnih vatrogasnih uniformi, zaprimljenu kod Ugovornog organa dana 01.08.2022. godine. Ugovorni organ obustavlja postupak javne nabavke i Izjašnjenje na žalbu sa cjelokupnom dokumentacijom šalje Uredu za razmatranje žalbi BiH na odlučivanje.

Ured za razmatranje žalbi BiH donosi Rješenje broj: JN2-03-07-1-2172-8/22 od 02.09.2022. godine kojim usvaja žalbu ponuđača i poništava Odluku o izboru najpovoljnijeg ponuđača broj: 02-11-12109/22 od 20.07.2022. godine, te predmet vraća ugovornom organu na ponovno odlučivanje.



Ponude svih ponuđača ne ispunjavaju uslove iz tenderske dokumentacije.

Dostavljeni uzorci ponuđača „EURO-VEZ“ d.o.o. Jelah ne ispunjavaju uslove iz sljedećih razloga:

- Na sredini leđnog dijela košulje od šavova prema dolje izrađena je jedna dupla faltna dužine 28 cm, dok je tenderskom dokumentacijom zahtjevana dužina od 30 cm.
- Na pantalonama s lijeve i desne strane u visini natkoljenice ušivena su dva harmonika džepa sa poklopcima koji se kopčaju dugmetom, a ne kopčama kako je propisano tenderskom dokumentacijom. Također, otraga su dva džepa s preklomom koji se kopčaju dugmetom, a ne kopčom kako je zahtjevano. Dalje, na pantalonama oko pojasa ušiven je potreban broj držača za remen čija je širina 1,7 cm, a ne 6cm kako je zahtjevano tenderskom dokumentacijom.
- Kada je u pitanju uzorak za bluzu, rukavi su izrađeni iz dva dijela, a na krajevima završavaju sa gumenom trakom širine 4,5cm, a ne 5cm kako je zahtjevano.
- Na zadnjem dijelu majice utisnut je naziv „VATROGASCI ZENICA“ čija su slova veličine 4,7cm, a ne 5cm kako je zahtjevano.
- Na uzorku cipela nalazi se 5 metalnih ringli za pertle, dok je zahtjevano specifikacijom da ih bude 4.
- Na radnom kombinezonu, na leđima nedostaje fluorescentni žuti natpis „VATROGASCI ZENICA“ koji je zahtjevan tehničkom specifikacijom.
- Dalje, vezena trakica nije opšivena zlatnom bojom kako je zahtjevano.
- Na uzorku uniforme nedostaju funkcionalne oznake kako su zahtjevane pod rednim brojem 10. u dijelu opisa robe.

Shodno navedenom uzorak ne ispunjava uslove propisane Aneksom 2 tenderske dokumentacije u dijelu opisa robe, stoga se ponuda odbacuje u skladu sa članom 68. stav 4) tačka i) Zakona o javnim nabavkama.

Uzorak ponuđača „ZENKO“ d.o.o. Zenica ne ispunjava uslove iz sljedećih razloga:

- Na dostavljenom uzorku majice visina slova u natpisu VATROGASCI ZENICA je 4,5cm, a ne 5cm kako je propisano tenderskom dokumentacijom.
- Na uzorku cipele nedostaje kožni međudon, odnosno nedostaje kožno ojačanje između donjeg i gornjeg dijela, kao i kožna podstava. Dalje, na cipeli se nalaze 4 metalne halke i 3 D ringle, a ne 4 ringle kako je zahtjevano tenderskom dokumentacijom.

Shodno navedenom uzorak ne ispunjava uslove propisane Aneksom 2 tenderske dokumentacije u dijelu opisa robe, stoga se ponuda odbacuje u skladu sa članom 68. stav 4) tačka i) Zakona o javnim nabavkama.

Dostavljeni uzorci ponuđača USLUŽNOST d.o.o. Sarajevo ne ispunjavaju uslove iz sljedećih razloga:

- Na rukavu košulje nedostaju spojke koje se završavaju rupicom, te sa lica rukava nedostaje dugme koje pridrži rukav u ljetnom periodu i tako daje utisak kratkog rukava.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

- Na radnom kombinezonu, na sredini lijevog džepa na prsima nedostaje elastična čičak traka za koju se kači oznaka funkcije.
- Na pantalonama oko pojasa ušiven je potreban broj držača za remen čija je širina 1,1 cm, a ne 6cm kako je zahtjevano tenderskom dokumentacijom.

Shodno navedenom uzorak ne ispunjava uslove propisane Aneksom 2 tenderske dokumentacije u dijelu opisa robe, stoga se ponuda odbacuje u skladu sa članom 68. stav 4) tačka i) Zakona o javnim nabavkama.

S obzirom da ponude svih ponuđača ne ispunjavaju uslove iz tenderske dokumentacije, Ugovorni organ poništava postupak u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba kabineta Gradonačelnika, Trg BIH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-12109-5/22

Datum: 15.09.2022. godine

DOSTAVLJENO:

- 3 x Ponuđači
- 1 x Služba kabineta Gradonačelnika
- 1 x Tenderska dokumentacija
- 1 x a/a



GRADONAČELNIK:


Brad Kasumović